


lipu sona pi ilo nanpa



 suno  nena  nena awen wan

sina wile ala wile sona e ni:

- nanpa ni en nanpa ante li seme?
- nanpa ni weka nanpa ante li seme?
- sina jo e ijo pi mute seme?
- ijo li kama kepeken tenpo pi mute seme?
- ijo li ken ala ken pini kama lon tenpo kama ni?
- sina jo e ilo nanpa, la sina sona a!

wawa

sina wile kepeken e ilo nanpa, la o pana e wawa tawa ona! sina ken pana e wawa kepeken palisa wawa "AAA" tu wan anu linja wawa "USB".
sina tawa e nena awen wawa, la ilo nanpa li pali.

lawa

sina ken lawa e ilo nanpa kepeken nena luka tu tu en nena awen wan.

- **nena awen:** en anu weka e nanpa nena
- **ala:** ala e nanpa ni
- **wan:** en anu weka e wan tawa nanpa ni
- **tu:** en anu weka e tu tawa nanpa ni
- **luka:** en anu weka e luka tawa nanpa ni
- **mute:** en anu weka e mute tawa nanpa ni
- **ali:** en anu weka e ali tawa nanpa ni
- **pana:** pana e nanpa tawa ilo nanpa. tenpo kama la sina ken kama jo e ona.
- **kama:** en enu weka e nanpa pana tawa nanpa ni
- **tenpo:** en anu weka e nanpa ni kepeken tenpo

sitelen

ilo nanpa li sitelen e nanpa kepeken suno.
ilo nanpa li jo e suno luka luka luka wan. sina
ken lukin e nanpa pi ilo nanpa kepeken ona.
ilo nanpa li jo e suno ni:

- suno "**weka anu ala**" wan
- suno "**wan**" wan
- suno "**tu**" tu
- suno "**luka**" tu wan
- suno "**mute**" tu tu
- suno "**ali**" wan
- suno "**ali ali**" tu
- suno "**ali ali ali ali ali**" tu

nanpa ni li (seme) → la suno (seme) li suno.

ala → "weka anu ala"

wan → "wan"

tu → "tu"

luka wan → "luka" en "wan"

ali mute → "ali" en "mute"

ali ali tu → "ali ali" en "tu"

ali ali ali ali ali ali → "ali ali ali ali ali" en "ali"

weka wan → "weka anu ala" en "wan"

weka mute → "weka anu ala" en "mute"

ilo nanpa ken sitelen e nanpa weka ali ali ali ali
ali ali ali ali ali ali ali ali ali ali ali e nanpa ali
ali ali ali ali ali ali ali ali ali ali ali ali ali ali

tu wan

nanpa ni en nanpa ante

- wan en wan en mute luka li seme?
- o pilin e nena "ala"
- o tawa e nena awen tawa nimi "en"
- o pilin e nena "wan"
- o pilin e nena "wan" sin
- o pilin e nena "mute" e nena "luka"
- suno "mute" en suno "luka" en suno "tu" li suno
- wan en wan en mute luka li mute luka tu

nanpa ni weka nanpa ante

- ali tu wan weka ali luka li seme?
- o pilin e nena "ala"
- o tawa e nena awen tawa nimi "en"
- o pilin e nena "ali" e nena "tu" e nena "wan"
- o tawa e nena awen tawa nimi "weka"
- o pilin e nena "ali" e nena "luka"
- suno "weka anu ala" en suno "tu" li suno
- ali tu wan weka ali luka li weka tu

kama jo e nanpa lon tenpo kama

- o pilin e nena "ala"
 - o tawa e nena awen tawa nimi "en"
 - o pilin e nena "ali" e nena "mute" e nena "tu"
 - o pilin e nena "pana"
 - o weka e wawa pi ilo nanpa
 - tenpo kama la o pana e wawa tawa ilo nanpa
 - o pilin e nena "kama"
 - nanpa ali mute tu li kama
- tu tu

nanpa sama mute

- nanpa ni li mute tu wan. nanpa ni luka li seme?
 - o pilin e nena "ala"
 - o tawa e nena awen tawa nimi "en"
 - o pilin e nena "mute" e nena "tu" e nena "wan"
 - o pilin e nena "pana"
 - o pilin e nena "kama" tu tu
- suno "ali" en suno "luka" tu wan li suno
- nanpa mute tu wan pi luka li ali luka luka luka

nanpa e ijo

sina ken nanpa e ijo kepeken ilo nanpa.

- jan mute li kama, la o kama jo e ilo nanpa:
 - o pilin e nena "ala"
 - o tawa e nena awen tawa nimi "en"
 - jan nanpa wan li kama, la o pilin e nena "wan"
 - jan sin li kama, la o pilin e nena "wan" sin
 - jan sin sin li kama, la o pilin e nena "wan" sin
- jan li pini kama la nanpa jan li lon ilo nanpa

ijo li kama kepeken tenpo seme?

- o pilin e nena "ala"
 - ijo li kama kepeken tenpo lili, la o tawa e nena awen tawa nimi "weka". ijo li kama kepeken tenpo suli, la o tawa e ona tawa nimi "en"
 - ijo li open kama, la o pilin e nena "tenpo"
 - (sina pakala, la o pilin e nena "ala")
 - ijo li pini kama, la o pilin e nena "tenpo" sin
- ilo nanpa li sitelen e tenpo pi ijo kama luka

ijo li ken ala ken pini kama lon tenpo kama?

- o pilin e nena "ala"
- ijo li kama kepeken tenpo lili, la o tawa e nena awen tawa nimi "weka". ijo li kama kepeken tenpo suli la o tawa e ona tawa nimi "en".
- ken la o pilin e nena "ali" en nena "mute"
sina wile, la sina ken pilin e nena nanpa ante
- nena awen li lon nimi "weka", la o tawa e ona tawa nimi "en". nena awen li lon nimi "en", la o tawa ona tawa nimi "weka".
- ijo li open kama, la o pilin e nena "tenpo".
- (sina pakala, la o pilin e nena "ala")
- o awen! tenpo kama la ilo nanpa li sitelen e nanpa "weka anu ala" taso. suno ni li wawa mute a! suno ni li suno, la ijo li kama ala, la ijo li ken ala kama lon tenpo kama ni.

nasin tenpo pi nena awen

tenpo wan pi nena awen nimi "en" li sama
tenpo mute pi nena awen nimi "weka"



ilo nanpa li pali pi jan Sate

<https://ilonanpa.sadale.net>